



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

In Eadem Circumcisione.

[urn:nbn:de:hbz:466:1-51821](#)

obtemperabit. Etiam pessimis mendicis in quibus ægre cogtamus Christum, difficilius largimur eleemosynam. Levit. 11. *Quicunque fuerit maculatus leprâ habebit os ueste coniectum.* Qua loqui eum ad correctionem non decet, quia ipse illâ eget. Gen. 4. Maledixit terræ, sed non aquæ, quia si aqua habuisset maculam, non fuisset apta ad eluendas in Baptismo maculas, ut ait Alcuin. Non mittit cum hamo, qui lacerat, Apostolos ad piscaudum Christus, sed cum reti vivos conservat pisces. Non vis ut bestia trahatur si erraveris, nec fratrem tuum sic trahatur. Fugiunt Medicum qui nescit curare nisi per visiones & ferrum, execrabilis verò est, si propter læsum digitum, totum amputet brachium. Vide quomodo Christus receperit peccatores, Magdalenam, latronem, Samaritanam, Prodigum, &c. 4. Reg. 4. Cum vadit Giezi cum baculo non excitat à mortuis puerum, sed cum Eliseus se ad ejus parvitatem contrahit, tum exurgit puer.

Caveamus verò omnes qui Christiani dicimus, ne illud cadat in nos Basil. Salevei orat. 19. *Quid gestas cognomen, quid personæ probro fit? factis appellationem impugnas, & calumnia nomen tuum affici?* Ne id eveniat sequere doctrinam Ambros. serm. 47. *Recte consortium meretur nominis, qui consortium meretur operi.* Oremus cum Procopio, qui in illud Isai. 64. *Ab initio nomen tuum super nos.* Ita scribit. *Nostri igitur miserere, quos nomen tuum exornat, hereditas enim tua nuncupamur, id ergo nomini tuo lange, ut apud Gentes non blasphemetur.*

In Eadem Circumcisione.

Congruè hoc festum die n. Jan. celebratur. Januarius dicitur à janua, quia est janua anni, ungitur hæc Janua sanguine ne Angelus interfertos noceat, ut Exod. 12. Alii volunt dici Januarium à D'E O Jano, hic erat Noë, pingebatur cum facie

facie ante & retrò, quia videt mundum ante & post diluvium, Janus inde dictus, quia plantavit vineam primus post diluvium, quod Chaldaicè dicitur Jain, hinc quasi Jainus, & corrupta voce Janus. Et hoc Christo congruit, habet quasi duas frontes, quia est & duas naturas habet, vidi mundum ante & post peccatum. Ramum olivæ attulit ad Noë columba, ipse vineam plantavit. Processerat homo ut ille qui de Jerusalem in Jericho, oportebat illi infundere vinum & oleum. Paravit ex his DEUS Pater medicinam pro nobis in Christo tanquam pixide Apothecaria, & illi datur in scriptis JESUS & ne putemus pixidem vacuam, hodie ex illa per circumcisionem guttae aliquot effunduntur. Christus Eccl. 43. *Vas admirabile, opus Excelsti* Continet vinum, *Ego sum vitis*. Continet Oleum offusum nomen tuum. Propterea cum Christus natus vineæ Engaddi floruerunt, & fons olei Romæ erupit.

In Eadem Circumcisione.

Copiosam nobis redemtionem promittebat Ps. *Apud Domum copiosa redemptio*. Eam fonti patenti comparabat Zachar. 13. *Erit fons patens Domui David & habitantibus Ierusalem, in ablutionem peccatoris*. Eandem instar maris extendit Micheas 7. *Revertebit & miserabitur nostris, deponet iniquitates nostras, & projiciet in profundum maris omnia peccata nostra*. Sed hodie videmus impleri quod Isai 43. *Iste asperget gentes multas*. Aperitur cultro thesaurus, & modicus sanguis fluit, circumciditur Infans. *Asperges gentes* itaque dabit guttas sed quomodo guttae, fons aut mare? Sed haec gutta sufficit orbi toto, sed neque hic redemtionem absolvit. Effundet totum in cruce ubi nostra redemptio consummabitur; per crucem enim nos redimere constituit. Interim modò rigat his guttis. Habet plantas nobilis 99. multæ ex illis aruerunt, quia rigare no-